

中其氣日高故作日益早也其間日發者由邪
氣內薄於五臟橫連暮原也其道遠其氣深其
行遲不能與衛氣俱行不得皆出故間日乃也作
帝曰夫子言衛氣每至於風府腠理乃發則邪
氣入則病作今衛氣日下一節其氣之始發
也不當風府其日作者柰何岐伯曰此邪氣客
於頭項循脊而下者也故虛實不同邪中異所
則不當其風府也故邪中於頭項者氣至頭項
而病中於背者氣至背而病中於腰脊者氣至

腰脊而病中於手足者氣至手足而病衛氣之
所在與邪氣相合則病作故風無常府衛氣之
發必開其腠理邪氣之所舍則其府也
帝曰瘧先寒而後熱者何也岐伯曰夏傷於大暑
其汗大出腠理開發因遇夏氣淒滄之水寒藏
於腠理皮膚之中秋傷於風則病成矣夫寒陰
氣也者風陽氣也先傷於寒而後傷於風故先寒
而後熱也病時以作名曰寒瘧帝曰先熱而後寒
者何也此先傷於風而後傷於寒故先熱而後

寒也亦以時作名曰溫瘧帝曰夫病溫瘧與寒瘧而皆安舍舍於何處岐伯曰溫瘧得之冬傷於風寒氣藏於骨髓之中至春則陽氣大發邪氣不能自出因遇大暑腦髓燄肌肉消腠理發泄或有所用力邪氣與汗皆出此病藏於腎其氣先從內出之於外者也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧其但熱不寒者陰氣先絕陽氣獨發則少氣煩寃手足熱而欲

嘔名曰瘧瘧帝曰瘧瘧何如岐伯曰瘧瘧者肺素有熱氣盛於身厥逆上衝中氣實而不外泄因有所用力腠理開風寒舍於皮膚之內分肉之間而發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消燄肌肉故名曰瘧瘧帝曰瘧未發其應何如岐伯曰瘧氣者必更盛更虛當氣之所在也病在陽則熱而脈躁在陰則寒而脈靜極則陰陽俱衰衛氣相離故病得

休衛氣集則復病也

衛與邪相并則病作與邪相離則病休其并於陰則寒并於陽則熱離於陰則寒已離於陽則熱已至次日又集而并合則復病也

帝曰時有間二日或至數日或渴或不渴其故何也岐伯曰其間日發者邪氣與衛氣客於六府而有時相失不能相得故休數日乃作也瘡者陰陽更勝也或甚或不甚故或渴或不渴

帝曰夫經言有餘者瀉之不足者補之今熱為有

餘寒為不足夫瘡者之寒湯火不能溫也及其熱水水不能寒也此皆有餘不足之類當此

時之

良工不能止必須其自衰乃刺之其故何也願聞其說岐伯曰經言無刺燭燭之熱無刺渾渾之脉無刺漉漉之汗故為其病逆未可治也夫瘡之始發也陽氣并於陰當是之時陽虛而陰盛外無氣故先寒慄也陰氣逆極則復出之陽陽與陰復并於外則陰虛而陽實故先熱而渴夫瘡氣者并於陽則陽勝并於陰則陰勝陰勝

則寒陽勝則熱瘡者風寒之不常也病極則復
至病之熱也如火之熱如風雨不可當也故經
言曰方其盛時必毀因其衰也事必大昌此之
謂也夫瘡之未發也陰未并陽陽未并陰因而
調之真氣得安邪氣乃亡故工不能治其已發
為其氣逆也帝曰善攻之柰何早晏何如岐伯
曰瘡之且發也陰陽之且移也必從四末始也
陽已傷陰從之故先其時堅束其處令邪氣不
得入陰氣不得出審候見之在孫絡盛堅而血

者皆取之此真往而未得并者也

經已上俱內

保命集云夏傷於暑秋必痲瘡蓋傷之淺也近而
暴傷之重也遠而深痲瘡者久瘡也是之夏傷
於暑濕熱閉藏而不能發洩於外邪氣內行至
秋而發為瘡也初不知何經受病隨其受而取
之有中三陽者有中三陰者大抵經中邪氣其
症各殊同傷寒論之也故內經曰五臟皆有瘡
其治各別太陽經者謂之風瘡治多汗之在陽
明經者謂之熱瘡治多下之在少陽經者謂之

風熱瘧治多和之此三陽受病皆謂之暴瘧也
發在夏至後處暑前者此乃傷之淺者近而暴
也在陰經者則不分三經皆謂之溫瘧宜以太
陰經論之其發處暑後冬至前者此乃傷之重
者遠而深也瘧瘧者老瘧也故謂之久瘧

丹溪云風暑之瘧當發汗夏月多在風涼處歇遂
閉其汗而不泄故也 惡飲食者必自飲食上
得之無汗者要有汗發散為主帶補 有汗者
要無汗扶正氣為主帶散邪 瘧病感虛者須

以人參白朮一二帖托住其氣不使下陷後使
他藥 內傷挾外邪同發必內生痰外以汗解
散二陳湯加柴胡黃芩常山草菓煎服 久瘧
不得汗者二陳湯加檳榔倍加蒼朮 一方加
柴胡葛根川芎一補一發不可直截 老瘧係
風暑入於陰分用血藥引出陽分則散當以當
歸紅花黃柏川芎白朮蒼朮甘草白芷水煎露
一宿空心服
按瘧在陰分須徹起陽分者即格致論中云臟

傳出至府亂而失期也又當因其汗之多寡而為補券并發之下陷謂陽氣下陷入陰血中無汗要有汗多用川芎葛根蒼朮升麻茈胡之屬此丹溪治瘧之微旨也

心法附錄曰世用砒霜等毒藥截瘧差悞甚矣且俗名曰脾寒此因名而迷其實也苟因飲食所傷而得亦未必全是寒况其他乎在陽分者易治陰分者難治瘧母必用毒藥消之行氣消堅為主

脉訣舉要曰瘧脉自弦弦數多熱弦遲多寒隨時變遷心法附錄曰有病久脉極虛微而無力似乎不弦然而必於虛微之中見弦但不搏手耳細察可見也

生生子曰世俗皆視瘧為小病不分外感內傷勞倦虛弱在陽在陰之旨率以砒丹常山等毒劑劫之或以草藥膏之又或指為鬼祟而以符水巫呪禁之稟受厚邪輕者偶中僥倖稟弱邪重者愈劫而愈陷矣於是迂延歲月咳嗽潮熱飲

食減少每每變虛怯之候不思經曰邪之所湊其氣必虛輕病重治必成重病都緣不能脫俗故耳良可悲夫

桂枝羌活湯 處暑前後頭痛項強脉浮惡風有汗 桂枝 羌活 防風 甘草 各等分

為粗末每服五錢水一盞半煎至一盞迎發日溫服吐者加半夏麩

麻黃羌活湯 頭痛項強脉浮惡風無汗

麻黃 羌活 防風 甘草 各等分煎法

如前如吐加半夏麩等分 二方皆太陽經

白芷湯 治瘧身熱目疼熱多寒少脉長睡卧不安先以大柴胡湯下之微利為度如下後微邪未盡者以此湯盡之 白芷 知母 石膏

四服法同前 此陽明經

桂枝石膏湯 隔日一發先寒後熱寒少熱多

桂枝 石膏 知母 黃芩 右分作三

服間日者邪氣所舍深也如外邪已罷內邪未已再下之 從卯至午發者宜大柴胡湯

下之 從午至酉者知邪在內也宜大承氣湯
下之 從酉至子或至寅發者知邪在血宜薤
仁承氣湯下之 前項下藥微利為度再以小
柴胡湯徹其微邪之氣

桂枝芍藥湯 寒熱大作不拘先後此太陽陽明
合病也謂之大爭寒熱作則必戰動經曰熱勝
則動也發熱則必汗泄經云汗出不愈知為熱
也陽盛陰虛之症治當內實外虛不治恐久而
傳入陰經也宜桂枝芍藥湯主之

桂枝

錢二

黃芪

知母

芍藥

石膏

錢各五

右服七錢水煎服 如服前藥而寒熱轉大
者知太陽陽明少陽合病也宜桂枝黃芩湯
以和之

桂枝黃芩湯

治三陽合病

甘草

錢四分

石膏

錢五

知母

錢五

桂枝

錢二

柴胡

錢一兩

黃芩

錢四分

人參

錢五分

半夏

錢四

右水煎服服後如外邪已罷內邪未

已用大柴胡大承氣等湯下之

麻黃黃芩湯

治夜發者

薤仁承氣湯亦治夜

發者 麻黃去節 一兩 甘草炙 三兩 薤仁三十枚 去皮

黃芩去芦 二錢 桂五分 服法同前

薤仁味苦甘辛肝為血海血受邪則肝氣燥經云肝苦急食甘以緩之故薤仁散血緩肝謂邪氣深遠而入血故夜發乃陰經有邪此發散血中風寒之劑麻黃桂枝薤仁乃太陽經血藥非三陰經藥也

生生子曰已上皆劉守真分經治療法也與內經之旨皆相符合明其邪自外而來故治同傷寒

也予驗今之所發者除傷風所發外亦有多挾內傷者或從飲食所得或從勞倦所得此必先有所感而邪氣潛伏今為新傷所啟發也雖涉內傷而頭疼寒熱口渴等症亦不出前數法外矣予每用所挾症之藥加於前各經治方之內錯綜治之亦不失古人意也故所向輒有功效濟世方治先熱後寒者以小柴胡湯先寒後熱者小柴胡加桂枝湯多熱但熱者白虎加桂枝湯多寒但寒者柴胡姜桂湯

按此亦前分經法也但此以寒熱多少定治然寒多而但寒不熱脈洪實或滑多有熱極而似水者為有餘治當下之若便以桂枝投之悞也如或多熱而但有熱者脈虛大或微弱當作虛治若便以白虎湯投之悞也故必須細心體認詳之以脈而以寒熱多少參治庶為穩當

仲景白虎加桂枝湯 治朝發暮解暮發朝解脈其如平但熱無寒骨節疼煩便難此治溫瘧
知母六兩 甘草炙二兩 石膏一斤 粳米二合 桂

枝去皮三兩 水煎服出汗愈

柴胡桂姜湯 治往來寒熱脅膈疼小便不利嘔而不渴治瘧寒多熱少或寒不熱

柴胡半斤 桂枝三兩去皮 乾姜二兩 括萎根四兩
黃芩二兩 甘草炙二兩 牡蠣二兩煨 水煎服初

服微煩再服得汗便愈

柴胡去半夏加括萎湯 治瘧病後渴者亦治勞

瘧 柴胡八兩 人參 黃芩各三兩 括萎根四兩
生薑二兩 大枣十二枚 甘草炙三兩 水煎服一

日兩三服効

局方雙解飲子 治瘧疾辟瘴氣神効食瘧尤佳

肉苳蔻 草苳蔻 各二枚一枚一枚麵 粉草 二兩一

半厚朴 二寸一半用姜 生薑 二塊如棗大一塊

右水煎空心服 東垣云秋暮暑氣衰病熱瘧

也瘧 人參養胃湯 治飲食傷脾及寒多而熱少者胃

膈痞悶不思飲食寒多者加姜桂熱多者加黃

芩黃連柴胡 方在寒門

清脾飲 治瘧瘵脉來弦數或但熱不寒或熱多

寒少口苦咽乾小便赤澀 青皮 去 厚朴 姜

白朮 半夏 泡 黃芩 草菓仁 柴胡 茯苓

甘草 炙 各等分 右每服七八錢姜五片不拘時服

草菓飲 治內傷飲食作瘧胃腹飽悶

草菓 蒼朮 厚朴 陳皮 半夏 甘草

烏梅 去核 姜棗同煎 寒多者加乾姜附子熱

多者只加柴胡瘵瘧加檳榔

單

香

芩

薑

厚

朴

陳

厚朴 人參 草菓 陳皮

NATIONAL CENTRAL LIBRARY, TAIWAN, R.O.C.

柴苓湯

寒熱汗後或大便作瀉

方出傷寒門

三聖飲

治胸膈飽悶口渴熱多寒少 蒼朮

枳殼

知母 各三錢

水煎服

四聖飲

治久瘧 何首烏 白芷 青皮

陳皮

水煎空心服

良方四將軍飲

治瘧作仆厥不知人手足俱冷

此雖一時救急之方用之有驗

大附子

炮去一

枚

訶子

四枚 去核

陳皮

四枚 洗淨

甘草

炙四兩

分作四服水一鍾半姜七片棗七枚煎拆一

半熟灌下立甦

方廣云瘧疾發作而僵仆不省人事者蓋由頑痰

膠固於中營衛不行故也所以中風中暑而卒

倒不省人事亦由痰之所致也附子性大熱走

而不守本是治寒濕之藥今瘧僵仆而用之以

其性能開散頑痰營衛流通故耳乃是劫劑不

得已而用之也

澹寮露姜飲

胃中痰飲為瘧

一方加蜜治痰嗽

生姜四兩搗汁露一宿空心冷服大治脾胃聚

痰發為寒熱 方廣云生姜自然汁凡中風中
暑中氣乾霍亂一應卒暴之疾與童便同用立
可解散蓋生姜能開痰童便能降火故也

截瘧溫脾飲 治脾虛痰涎上湧瘧發作則吐神

効 白木錢五 生姜錢五 水煎空心服

生生子曰按此亦丹溪白朮丸意也彼以白朮一
味久服得汗乃愈此以生姜佐之故取汗速而
効亦速也 已上五方皆禁方

王節齋治瘧活套

柴胡 白朮錢各一 蒼朮錢一 陳皮錢七

粉草錢五分 乾葛錢二 若一日一發及午前

發者邪在陽分加桔黃芩茯苓半夏錢各一 熱甚

頭疼再加川芎軟石膏錢各一 口渴加石膏知母

麥冬各一錢

若間日或三日發午後或夜發者邪在陰分加川

芎當歸酒炒芍藥熟地黃酒炒知母錢各一 酒洗

紅花酒炒黃柏錢各四 提起陽分可截之

若間一日連發二日或日夜各發者氣血俱病加

八物湯再加黃芪補之

若陽瘧多汗用黃芪人參白朮以飲之無汗柴胡
蒼朮白朮黃芩乾葛以發之

若陰瘧多汗用當歸白芍熟地黃黃耆黃柏以飲
之無汗柴胡蒼朮川芎紅花升麻以發之

若病人胃氣弱飲食少或服截藥傷脾胃而少食
者加人參一錢半酒炒芍藥大麥芽各一錢

若傷食痞悶或有食積者加神麩麥芽枳實炒各二錢
若痰盛加姜製半夏南星枳實炒各一錢黃芩黃連各六分

若欲截之加檳榔黃芩青皮常山各一錢烏梅肉三枚

若日久虛瘧寒熱不多或無寒而但微熱者邪氣
已無只用八物湯加柴胡黃芩黃芪陳皮以滋
補氣血

瘧母

濟生鱉甲飲子 瘧久不愈脇下痞滿腹中結塊

名曰瘧母 草菓 鱉甲醋炙 黃芪 白朮

白芍 厚朴製 檳榔 橘紅 川芎 甘草炙

各等分每服四錢水一鍾姜七片枣一枚烏

毒少許煎服

又方 治瘡母 鱉甲醋炙 二兩 三稜 殺木 香

附俱醋炒各 一兩半 橘紅一兩 阿魏五兩

右醋糊為丸 梧子大 姜湯下三十丸

瘡母丸 青皮 菝仁 紅花 神麴 麥芽

鱉甲醋炙 三稜 蓬木 海粉 香附俱用醋煮

右用神麴糊為丸 梧桐子大 每服五七十九

白湯下

十將軍丸 久瘡有瘡母不瘥或腹疼

三稜去毛 土炒 蓬木生用 青皮去白 橘紅各一兩 草菓去壳

常山各二兩 砂仁 柝柳 烏梅 半夏泡各一兩

右先將常山草菓二味剉好 酒醋各一碗入

手器內先浸一宿 後入八味藥同浸至晚炭

火煮乾 取出晒如無日色 用火焙乾為末 酒

醋各半打糊為丸 如梧桐子大 每服三四十

丸 白湯吞下 日進三服 忌生冷魚腥醎酸油

膩麵諸死毒物 服四兩或八兩 乃除根 凡

有積聚及行瘴濕地方 並宜服

小兒瘰癧疾痞塊 生地 白芍各一錢半 陳皮 川芎

黃芩 半夏各一錢 粉草分二 姜水煎調鱉甲末服

瘰癧

秋深久瘰癧胷中無物又無痰癖腹高而食少俗謂

瘰癧氣入腹宜蒼朮湯主之 蒼朮兩四 草烏頭錢一

杏仁個三十 右分作三服水煎一日服盡愈

產後瘰癧

草菓飲子 產後瘰癧多由汚血挾寒熱而作大

法宜柴胡四物湯調之熱多者宜服此

半夏泡 赤茯苓 草菓煨去皮 甘草炙 陳皮 川

芎 白芷各一錢二分 紫蘇 良姜 青皮各六分

乾姜二錢四分 右分作二帖姜五片束二枚

當發日空心連進三服無不愈者

生熟飲子 治寒多者 肉豆蔻 草菓仁 厚

朴 半夏 陳皮 甘草 大棗核去 生姜各二錢半

右以一半以濕紙裹煨香熟和勻一半生用

和勻分作二帖水煎空心一服食後一服二

渣并煎午前服盡

彭用光治瘧活套

如連日或間日惡寒發熱頭項腰背痛此太陽經
二陳加柴胡羌活藁本防風

如連日或間日先寒後熱或寒少熱多或但熱不
寒目痛鼻乾此陽明經二陳加葛根升麻石膏
知母白芷

如連日或間日先寒後熱或寒熱間作脇痛口苦
嘔惡此少陽經二陳加柴胡黃芩青皮

如子午卯酉日發熱嘔吐舌乾口燥此少陰瘧

二陳加當歸川芎黃柏黃連柴胡

如辰戌丑未日發寒熱嘔吐不嗜食或腹滿自利
此太陰瘧二陳加蒼朮白朮柴胡芍藥

如寅申巳亥日惡寒發熱寒多熱少或腹痛引陰
器如淋狀善恐此厥陰瘧二陳加桂枝附子乾
姜柴胡升麻

三陽之瘧宜汗宜吐麻黃葛根柴胡常山草菓烏
毒之屬

三陰之瘧宜下宜溫宜和大柴胡湯柴胡桂姜湯

柴胡四物湯附子理中湯加升麻柴胡之類

泄痢

生生子曰仲景河澗東垣諸公多以泄痢混同論
治究其源皆本之於難經五十七難五泄中來
云小腸泄大瘕泄即是腸癖膿血也故治法亦
多相湏但初學之士未易尋繹故予不揣庸腐
芟繁入簡以經文列之於前而諸賢次之以見
古人著方立法之意然後發明泄痢形狀而以
丹溪之見折而衷之仍分泄痢為二門初不敢

遞分者以其有先痢而後泄有先泄而後痢有
痢不因泄有泄不因痢治有次第症有輕重也
以古論不可分者為綱以今之名症者為目使
後學易以辨別而難治之症亦得以備參考也
難經云有胃泄有脾泄有大腸泄有小腸泄有大
瘕泄名曰後重

保命集曰胃泄者飲食不化色黃以大承氣湯下之脾泄
者腹脹滿泄注食即嘔吐逆建中理中湯主之大腸泄
者食已窘迫大便色白腸鳴切痛乾姜附子湯主之小

腸泄者澀而便膿血少腹痛

承氣湯下之

大瘕泄者

裏急後重數至圜而不能便莖中痛

胃大小腸三症皆清

漿飲子主之其泄自止厥陰症莖中痛加甘草以陰症裏急後重加大黃

滑伯仁曰瘕結也謂因有凝結而成者也裏急謂

腹內急迫後重謂肛門下墜惟其裏急後重故

數至圜而不能便莖中痛者小便亦不利也

出難經本義

謝堅白曰小腸大瘕二泄今所謂痢疾也內經曰

腸辟故下利赤白者灸小腸俞是也穴在第十

六椎下兩傍各一十五分累驗

出難經本義

四明陳氏曰胃泄即飧泄也脾泄即濡泄也大腸

泄即洞泄也小腸泄謂凡泄則小便先下而便

血即血泄也大瘕泄即腸辟也

靈樞經曰腸中寒即腸鳴飧泄腸中熱即出黃如

糜脉要精微論曰胃脉虛則泄

仲景曰大腸有寒者多驚漉有熱者便腸垢下

痢脉微弱數者為欲自止雖發熱不死下痢

有微熱而渴脉弱者亦自愈下痢脉數而渴

者合自愈設不愈必清膿血以有熱故也下痢脈數有微熱汗出合自愈設脈緊為未解下痢脈反弦身熱汗者自愈下痢脈沉而遲其人面少赤身有微熱下痢清穀者必鬱胃汗出而解病人必微厥所以然者其面戴陽下虛故也下痢脈沉弦者下重下痢寸口反浮數尺中自濡者必清膿溲病若腹大而泄者脈當細微而濡反緊大而實者死下痢脈大者為不止下痢一日十餘行脈反實者死

素問云泄而脈大難治病泄脈洪大是逆也靈樞云飧泄脈小者手足寒難已飧泄脈小手足溫易已腹鳴而滿四肢清泄其脈大是逆也如是者不過十五日死矣腹大脹四末清脫形泄甚是逆也如是者不及一時死矣經云五虛者死脈細皮寒氣少泄痢前後飲食不入此謂五虛其漿粥入胃泄注止則虛者活丹溪嘗謂治數人在下則泄瀉不止上則吐痰不已皆死蓋氣脫無所管攝故也若用參朮膏救

之早者十活二三

病機：要云臟腑瀉痢其症亦多大抵從風濕熱論之是知寒少熱多寒則不能久也故曰暴泄非陰久瀉非陽論曰春宜緩形、動則肝木乃榮反靜密則是行秋令金能制木風氣內藏夏至則火盛而金去獨火木旺而脾土損矣輕則飧泄身熱脉洪穀不能化重則下利膿血稠粘裏急後重故曰諸泄稠粘皆屬於火經云溲而便膿血知氣行而血止也宜大黃湯下之是為

重劑黃芩芍藥湯是為輕劑是實則瀉其子木能自虛而脾土實矣故曰春傷於風夏必飧泄此逆四時之氣人所自為也

此一節謂熱泄而帶下也

有自太陰經脾受濕而為水泄虛滑微滿身重不知穀味假令春宜益黃散補之夏宜泄之法曰宜補宜泄宜和宜止和則芍藥湯止則訶子湯久則防變為膿血是脾經傳受於腎謂之賊邪故難愈也若先利而後瀉謂之微邪故易安此皆脾土受濕天之所為也雖聖智不能逃口

食味鼻食氣從鼻而入留積於脾而為水泄也

此一節濕泄所謂泄瀉也

有厥陰經動下利不止其脉沉而遲手足厥逆涕

唾膿血此証難治宜麻黃小續命湯汗之法云

為有表邪縮於內當散之而自愈

此一節風泄所謂久泄也

有暴下無聲身冷自汗小便清利大便不禁氣難

布息脉遲嘔吐急以重藥溫之漿水散是也

此一節寒泄所謂暴泄也

故法云後重則宜下腹痛則宜和身重則除濕脉

弦則去風血膿稠粘以重藥竭之身冷自汗以

毒藥溫之風邪內縮汗之鶩溘為痢溫之又云

在表者汗之在裏者下之在上者湧之在下者

竭之身表熱者內疎之小便濡者分利之又曰

盛者和之去者送之過者止之兵法云避其來

銳擊其惰歸此之謂也

凡病泄而惡寒是太陰傳少陰是土來尅水也用

除濕白朮茯苓安脾白芍藥桂枝黃連破血也

火邪不能勝水太陰不能傳少陰而反火邪上

乘肺經而痢必白膿也加芍藥當歸之類
又裏急後重脉大而洪實為裏實痛甚者是有物
結墜也宜下之若脉浮大甚不宜下
雖裏急後重而脉沉細弱者謂寒邪在內而氣散
也可溫養而自愈 裏急後重閉者大腸經氣
不宣通也宜加檳榔木香宣通其氣 如痢或
泄而嘔者胃中氣不和也上焦不和治以生姜
橘皮中焦不和治以當歸茯苓桂下焦寒不和
治以輕熱藥甚者重熱藥 大便虛秘瀉久不

愈恐太陰傳少陰多傳變為痢太陰傳少陰是
為賊邪先以枳實厚朴湯以防其變若四肢懶
倦小便少或不利大便走沉困飲食減宜調胃
去濕白朮芍藥茯苓三味水煎服以白朮之甘
能入胃而除脾胃之濕芍藥之酸瀋除胃中之
濕熱四肢沉困茯苓之淡泄能通水道走濕此
三味泄痢須用此 如發熱惡寒腹不痛加黃
芩為主如未見膿而惡寒乃太陰欲傳少陰也
加黃連為主桂佐之如腹痛甚者加當歸倍芍

藥如見血加黃連為主桂當歸佐之如煩躁
或先便白膿後血或發熱或惡寒非黃芩不止
上部血也如惡寒脈沉先血後便非地榆不
能除下部血也如惡寒脈沉或腰痛或臍下
痛非黃連不除此中部血也如便膿血相雜
而脈浮大慎不可以大黃下之必死謂氣
下竭也而陽無所收凡陰陽不和惟以分陰陽
藥治之

又云暴泄非陰久泄非陽大便完穀下有熱者脈
疾身動聲亮暴注下迫此陽也寒者脈沉而細
身困鼻息微薑附湯主之身重不樂木附湯主
之渴引飲者是熱在膈上水多入則自胃膈
入胃中胃本無熱因不勝其水名曰水恣胃受
水攻故水穀一時下此証當灸大椎三五壯立
已乃督脈瀉也如用藥使車前子白朮茯苓之
類五苓散亦可

又有寒泄者大腹滿而泄又有驚瀉瀉者是寒
泄也驚者鴨也大便如水其中有少結糞者是

也如此者當用天麻附子乾姜之類

又法曰泄有虛實寒熱虛則無力不及拈衣未便已泄出謂不能禁固也實則數至圍而不便俗云虛坐努責是也裏急後重皆依前法進退大承氣湯主之

按已上述泄利寒熱虛實脉証輕重治法極為詳悉最當深玩

泄痢辨

丹溪云泄瀉之症水穀或化或不化並無努責惟

覺困倦若滯下則不然或膿或血或膿血相雜或腸垢或無糟粕或糟粕相雜雖有痛不痛之異然皆無裏急後重逼迫惱人

泄瀉門

生生子曰泄瀉要分新久時令寒熱虛實及飲食痰積數者

內經曰濕勝則濡泄甲乙經云氣客下焦傳為濡泄羅太無曰夫脾者五臟之至陰惡寒濕今寒濕之氣內客於脾故不能裨助胃氣腐熟水穀

致清濁不分水入腸間虛莫能制故洞泄如水
隨氣而下謂之濡泄法當除濕利小便治之以
對金飲子 平胃散五錢五苓散二錢五分草
荳蔻麩煨五錢 右分二服姜枣同煎
出濟世方名對金飲子

王叔和云濕多成五泄

生生子曰新泄瀉多是濕治濕瀉之法宜燥脾利
水胃苓湯五苓散之類 胃中氣不快心不痞
氣加枳殼木香 如有痰加半夏 如惡心加

藿香砂仁 如腫滿加桑白皮赤小豆 有熱

加黃芩木通滑石之類減桂 有寒加高良姜

乾姜桂心之類 稍久不止者東垣升陽滲濕

湯或蒼朮防風湯 用風藥者謂風能勝濕也 若飲食所

傷以平胃散加消導之劑

久泄多是積劉河間云有太陰陽明二症當進退

大承氣湯主之 既久泄矣而又以承氣湯下之者必其積滯膠固脉結實不虛

非常法可效故用此推陳致新不可姑息也

太陰症不能食也當先補而後瀉乃進藥法也先

煎厚朴半兩俱依本方加減水一盞半煎七分服若三兩服後未已如稍加食尚有熱毒加大黃二錢推過泄止住藥如泄未止謂腸胃有塵垢滑粘加芒硝三錢令宿垢去盡則愈也

陽明症能食是也當先瀉而後補乃退藥法也先用大承氣湯五錢水一盞半煎七分稍熱服如泄未止去芒硝後熱稍退減大黃一半煎兩服如熱氣雖已其人必腹滿又減去大黃以枳實厚朴湯服三兩服如腹脹滿退泄亦自愈後服

厚朴湯數服則已

仲景云下痢已瘥至其月日又復發者以其積去不盡故也當下之以大承氣湯此熱積寒下也本事方治痢冷在腸胃間頻年腹痛泄瀉休作無時服諸熱藥不効宜先取去積滯然後調治不可畏藥以養病也

厚朴丸 厚朴 乾姜 甘草 桂心 附子生
二錢 大黃生細切水一盞浸半日煎汁用之 右水二碗煎八分後下大黃汁再煎六合溫服自夜至曉分

三服之盡止或更以乾姜丸佐之

乾姜丸 乾姜 巴荳去心殼研 大黃 人參各

兩右為末同巴荳研勻加煉蜜為丸如梧桐子

大食前用湯吞下一丸陳米飲吞亦可後服

白朮散

白朮散 推後以此溫補之 白朮 木香

附子 人參各等分 右為末每服二錢生姜三

片棗一枚煎六分溫服

痰積泄瀉 海石 青黛 黃芩 神麴 半夏

麴霞天膏造者尤妙 右為丸每服三五十丸

右積滯泄瀉必腹中耕痛痛而泄泄而痛止者是

也或肚滿按之堅者亦是也受病淺者以保和

丸等消導之深而頑者必須推去陳積然後乃止也

實脾固腸丸 泄瀉月久不止及脾泄無度者

白朮陳土炒 粟殼去膜蜜炒 蒼朮米泔浸 厚朴姜製

陳皮各一兩半 人參 炮乾姜 炙甘草 茯苓

各二兩 肉蓯麴煨 訶子去核各二兩 砂仁一兩 酒糊為丸

梧桐子大每服七十丸空心米湯下虛寒加

附子一錢滑脫不禁加龍骨赤石脂一兩

飧泄素問云清氣在下則生飧泄又云春傷於風

夏必飧泄又云久風為飧泄

劉河間曰飧泄者乃水穀不化而完出因水入胃

亦非前水恣症也先以宣風散導之出錢氏方中四味者

也

後服蒼朮防風湯 蒼朮去皮四兩 麻黃去根節四兩 防風

去茅五錢 右為粗末每服一兩生姜七片水二盞煎

至一盞溫服泄止後服椒朮丸

椒朮丸 蒼朮二兩 川椒一兩 為極細末醋糊為

丸如梧桐子大每服三十丸食前溫湯下

如惡痢久不愈者彌佳小兒亦佳

東垣曰飧泄是清氣在下乃胃氣不升上古聖人

皆以升浮藥扶持胃氣一服而愈知病在中焦

脾胃也脉訣曰濕多成泄病本在胃真氣弱真

氣者穀氣也不能尅化飲食乃濕盛故也以此

論之正以脾胃之弱故也初病奪食或絕不食

一二日使胃氣日勝泄不作也今已成大泄矣

經云治濕不利小便非其治也又云在下者引而竭之惟此症不然此病既得之於胃氣下流清氣不升陽道不行只宜升宜舉不宜利小便靈樞云頭有疾取之足謂陽病在陰也足有疾取之上謂陰病在陽也中有疾傍取之傍者少陽甲膽是也中者脾胃也甲膽者甲風是也東方春也胃中穀氣者便是風化也作一躰而認故曰胃中濕勝而成泄瀉宜助甲膽風以勝尅之又是升陽氣助清氣上行之法也又一說中

焦元氣不足溲便為之變腸為之苦鳴亦緣胃氣不升故令甲氣上行又云風勝濕也大抵此症本謂氣弱不能化食奪食則一日而可止夫奪食之理為胃弱不能尅化食則為泄如食不下何以作泄更當以藥滋養元氣令和候泄止漸與食胃勝則安矣若食不化者於升陽風藥內加炒麩同煎兼食入頓至心頭者胃之上口也必吐沃沫或食入反出皆胃土停寒其右手關脉中弦按之洪緩是風熱濕相合穀氣不行

清氣不升為弦脉之寒所隔故不下也麴之熱亦能去之若翻胃者更加半夏生姜入前風藥內同煎奪食少食欲使胃氣強盛也若藥劑大則胃氣不勝藥泄亦不止當漸漸與之今病既久已至衰弱當以常法治之不可多服餌也人之肌肉如地之土豈可入而無肉故肉消盡則死矣消瘦人有必死者八內經有七外經有一又病肌肉去盡勿治之天命也如肌肉不至瘦盡當急療之宜先奪食而益氣便與升陽先助

真氣次用風藥勝濕以助升騰之氣病可已矣餘皆勿論此治之上法也治用升陽除濕湯類之車前子散 治水瀉不止以車前子炒為末米飲調下二錢立止

若秋夏之間濕熱大行暴注水泄以益元散治之或五苓散加木通口渴者加葛根黃芩芍藥若胸膈飽悶腹中作脹以胃苓湯治之 又瀉暴而不止者以止泄丸治之

止泄丸

肉苳菟

兩五

滑石

飛

右為末搗飯丸

惟滑石夏三兩五錢秋二兩春冬一兩二錢
升陽除濕湯 治脾胃虛弱不思飲食泄瀉無度
小便黃四肢困倦自下而上引而去之

升麻 防風 柴胡 羌活 神麩 澤瀉

猪苓 陳皮 各五分 甘草 各五分 麥芽 各三分 右水煎

食遠服 如胃寒腸鳴加益智半夏各五分
姜棗同煎非腸鳴不用

白朮芍藥湯 潔古治太陰脾經受濕水瀉注下
躄重微滿困弱無力不飲食暴泄無數水穀不

化先宜白朮芍藥湯 白朮 芍藥 各一兩 粉草

五錢 俱要炒黃効速分作二服水煎溫服腹疼甚
者宜蒼朮芍藥湯

蒼朮芍藥湯 治水瀉腹疼并治痢 蒼朮 芍

藥 各一兩 黃芩 五錢 桂 一分 分二服水煎溫服

脉弦頭疼者宜蒼朮防風湯

蒼朮防風湯 治水泄飧泄脉弦頭疼皆効

蒼朮 五錢 防風 五錢 水煎溫服

已上症如心下痞每服加枳實一錢 如小便